

綱鑑易知錄

五代

六十一

113
537
32



門 413
號 537
卷 32

尺木堂綱鑑易知錄卷六十八

天房五十五
二月

周之炯靜專

通鑑綱目定本

山陰吳乘權楚材同輯

周之燦星若

唐紀

昭宗皇帝

綱 壬戌二年春正月以韋貽範同平章事綱 三月汴

兵圍晉陽 朱全忠還河中 遣氏 支叔琮朱友

寧 全忠 兄子 攻河東 見同 圍晉陽 見同 李克用名諸將議

綱鑑易知

卷六十八 唐昭宗

一

李襲吉富強之對

走保雲州。今山西大同府。李嗣昭周德威及李嗣源皆曰：兒輩在此，必能固守。王勿為此謀，搖人心。克用乃止。會大疫，汴見上卷末兵引還。克用以貯糧，繕兵脩城，利害問於幕府。見四一掌書記李襲吉曰：國富不在倉儲，兵強不由衆寡，霸國無貧主，強將無弱兵。願大王崇德愛人，去奢省役，設險固境，訓兵務農。如此，則國不求富而自富，不求安而自安矣。克用以封疆，日蹙憂形於色。存勛進言曰：朱氏窮凶極暴，人怨神怒，今其極也。殆將斃矣。吾家代襲忠貞，大人當遵養時晦。見三二卷

吳

崔胤板歌
侑酒
進錢鏐爵
為越王

九。以待其衰，奈何輕為沮喪，使羣下失望乎。克用悅。劉夫人無子，克用寵姬曹氏生存勛，幼警敏，有勇略。劉夫人待曹氏加厚。綱以楊行密為行營都統，賜爵吳王。見上卷二綱夏四月，盧光啓罷。綱五月，朱全忠至東渭橋。見十一卷二綱崔胤詣河中泣訴於朱全忠，請以時迎奉。全忠與之宴，胤親執板歌以侑。省也。酒。全忠乃將兵五萬發河中。綱韋貽範罷。綱進錢鏐爵為越王。越州即紹興府。綱以蘇檢同平章事。綱朱全忠圍鳳翔。見上卷三綱全忠朝服向城而泣曰：臣但欲

迎車駕還宮耳。不與岐王。見上卷角勝也。**綱**秋八月。

起復韋貽範同平章事。**目**貽範之為相也。多受人賂。

許以官。既而以喪罷去。日為債家所譟。故汲汲於起。

復。日遣人詣兩中尉樞密。及李茂貞求之。上命韓偓

草制。偓曰。吾腕可斷。短此制不可草。即上疏論之。上

命罷草。明日班定。無白麻。見五五卷可宣。宦官諛言韓

侍郎不肯草麻。茂貞入見曰。陛下命相。而學士不肯

草麻。與反何異。上曰。學士所陳。事理明白。若之何不

從。茂貞不悅而出。語去聲人曰。我實不知書生禮數。

韓偓腕可斷制不可草

貽範所誤。貽範乃止。至是竟起復貽範。使姚洎思草

制。貽範不讓。即表謝。明日視事。**綱**冬十月。韋貽範卒。

綱癸亥三年春正月。李茂貞殺韓全誨等。帝幸朱全

忠營。遂發鳳翔。復以崔胤為司空。同平章事。**目**李茂

貞獨見上。請誅全誨等。與全忠和解。奉車駕還京。上

喜。即收全誨等斬之。又斬李繼筠。繼誨。彥弼等十六

人。而以第五可範。仇承坦為中尉。王知古。楊虔朗為

樞密使。時鳳翔所誅宦官已七十二人。全忠又密令

京兆見四八卷六捕誅九十人。車駕幸全忠營。全忠素服

待罪頓首流涕。上亦泣。親解玉帶以賜之。少休即行。全忠命朱友倫將兵扈從。駕至興平。見五一崔胤帥百官迎謁。復以為相。領三司如故。綱車駕至長安。大誅宦官。以崔胤判六軍十二衛事。車駕入長安。崔胤奏以宦官典兵預政。傾危國家。不翦其根。禍終不已。請悉罷內諸司使。其事務盡歸之省寺。三公所居日寺諸道監軍俱名還闕下。上從之。全忠遂以兵驅第五可範已下數百人盡殺之。冤號之聲徹於內外。其出使外方者。詔所在誅之。止畱黃衣幼弱者三

十人。以備灑掃。以崔胤兼判六軍十二衛。見四八事

司馬溫公曰。宦者用權為國家患。其來久矣。蓋以出入宮禁。人主自幼及長。與之親狎。非如公卿進見。有時可嚴。憚也。其間復有性識儼利。語言辨給。善伺候顏色。承迎志趣。受命則無違忤之患。使令則有稱愜之效。自非上智之主。燭知物情。慮患深遠。侍奉之外。不以專則近者日親。遠者日疎。甘言悲辭。請賞之時。而從浸潤。膚受之慙。有時而聽。於是黜陟刑賞之政。潛移於近習。而不自知。如飲醇酒。嗜其味而忘其醉也。東漢之衰。宦官最名。驕橫然皆假人主之權。依憑城社。以濁亂天下。未有能劫脅天子。如置嬰兒廢置在其手。東西出其意。如唐世者。所以然者。非他。漢不握兵。唐握兵。故也。蓋其禍始於明皇。盛於肅代。成於德宗。極於昭宗。而唐之廟社。因以丘墟矣。為國家者。可不慎其始哉。夫寺人之官。所以謹閭闔之禁。通內外之言。安可無

官者豈無
賢才

崔袁一轍

也。如巷伯之疾惡。寺人披之事君。鄭衆之辭賞。呂彊之直諫。曹日昇之救患。馬存亮之弭亂。楊復光之討賊。嚴遵美之避權。張承業之竭忠。其中豈無賢才乎。顧人主不當與之謀議。進退士大夫。使有威福足以動人耳。果或有罪小則刑之。大則誅之。無所寬赦。如此雖使之專橫。孰敢哉。豈可不察臧否。不擇是非。欲草薶而禽獮之。能無亂乎。是以袁紹行之於前。而董卓弱漢。亂襲之於後。而朱氏篡唐。雖快一時之忿。而國隨以亡。是猶惡衣之垢。而焚之。患木之蠹。而伐之。其為害豈音儼音暄音薶音獮音不益多哉。註音城音社音見音三音卷音二音四音城音狐音社音風音寺人闕官也。巷伯即寺人。詩小雅巷伯篇。寺人刺幽王之詩。記緇衣篇。惡惡如巷伯。寺人披。晉獻公文公時。寺人名披。見左傳。僖公二十四年。鄭衆見二卷二五呂彊見二卷五曹日昇。唐肅宗時。賊圍南陽。甚急。日昇請與一騎冒圍入城。宣慰賊不敢逼。馬存亮。唐敬宗初。染習。

張齡與十者。蘇元明為變。存亮遣神策騎兵射。詔及元明皆死。楊復光僖宗時。帥入都。將以敗。朱溫嚴遵美。昭宗時。歷軍容使。後隱青城山。張承業。見下三一。雜芟草也。秋獵日。獮袁紹。見二卷六。

綱二月。賜朱全忠號。回天再造。竭忠守正功臣。以

朱全忠進
爵梁王

輝王祚為諸道兵馬元帥。朱全忠守太尉。以副之。進

爵梁王。崔胤為司徒兼侍中。**綱**貶韓偓為濮州。見上

司馬。目上嘗謂偓曰。崔胤雖忠。然頗用機數。對曰。凡

為天下者。萬國皆屬。祝之耳目。安可以機數欺之。莫

若推誠直致。雖日計之不足。而歲計之有餘也。上欲

朱全忠追
賜遷都

洛陽恐胤立異。密表胤等專權亂國。請并其黨鄭元規等誅之。詔皆貶之。而以裴樞獨孤。損分判六軍三司。全忠密令朱友諒殺胤。及元規等數人。綱梁王全忠屯河中。表請遷都。上發長安。二月至陝。綱朱全忠引兵屯河中。遣牙將奉表稱郃李繼徽岐李茂貞兵逼畿甸。請上遷都洛陽。時上御延喜樓。及下裴樞已促。自官東行。驅徙士民。號哭滿路。罵曰。賊臣崔胤。名朱溫來傾覆社稷。使我曹流離至此。上遂發長安。全忠以張廷範為御營使。毀長安宮室百司。及民間廬舍。長安

紇于山頭
凍殺雀

遂墟。上至華州。今陝西西安府華州民夾道呼萬歲。上泣曰。勿呼萬歲。朕不復為汝主矣。館於興德宮。謂侍臣曰。鄙語云。紇痕入干山頭凍殺雀。何不飛去。生處樂。紇牙山即紇真山在山西大同府城東北。紇真胡。朕今漂泊。不語猶漢言千里其山冬夏積雪。故云。朕今漂泊。不知竟落何所。因泣下霑襟。左右莫能仰視。二月至陝。今河南河南府陝州全忠來朝。上延入寢室。見何后。后泣曰。自今大家。見三五一夫婦委身全忠矣。綱三月。梁王全忠赴洛陽。綱遣間諜使以密詔告難去于四方。綱上復遣間使以絹詔告急於王建。楊行密。李克用等。令糾

更封錢鏐為吳王

朱全忠弑昭宗

率藩鎮以圖匡復曰朕至洛陽則為全忠所幽閉詔
 敕皆出其手朕意不得復通矣綱夏四月上至洛陽
綱更封錢鏐為吳王鏐求封吳越王朝廷不許乃更封吳王綱五月梁
 王全忠還鎮綱六月李茂貞王建李繼徽合兵討朱
 全忠全忠拒之河中法書茂貞繼徽再逼京畿王建不
 何全忠強盛唐祚且移苟有能抗之綱秋八月全忠
 者綱目所予也於是全忠削不書綱秋八月全忠
 弑帝於椒殿太子祝即位綱帝自離長安日憂不測
 與何后終日沉飲或相對悲泣時李茂貞等移檄
 往來皆以興復為辭全忠方西討以帝有英氣恐

朱全忠驚哭投地

李克用最為有功

生於中欲立幼君易謀禪代乃遣判官李振至洛陽
 與蔣玄暉及朱友恭氏叔琮等圖之玄暉遣牙官史
 太等百人夜叩宮門殺宮人裴貞一帝在椒殿方醉
 遽起單衣繞柱走太追弑之立輝王祚為皇太子更
 名祝於柩前即位時年十三全忠聞之陽驚哭自投
 於地曰奴輩負我令我受惡名於萬代至東都伏梓
 宮見二三慟哭殺友恭叔琮友恭臨刑大呼曰賣我
 以塞天下之謗如鬼神何全忠遂辭赴鎮

華陽范氏曰唐末藩鎮惟李克用最為有功雖嘗跋扈而終不失臣節若倚為藩扞使太原之

新錄易知錄

卷六十一

勢常重則諸鎮未敢窺唐也。而唐以其戎狄之人，疑而不信，是以不競於汴，而全忠獨強吞噬諸鎮，卒滅唐室。自古忠者不見信，而所信者不忠，豈有不亡者乎？

綱冬十二月以劉隱為清海節度使

昭宣帝名祝昭宗第九子朱全忠弒昭宗而立之在位三年全忠廢為濟陰王復弒之壽十七歲

諡曰哀帝

昭宣不改元

綱乙丑昭宣帝天祐二年君立踰年改元恆也昭先君之舊號則臣子之罪也其畏全忠甚矣綱目非元年不書號於是特書昭宣帝天祐二年所以表其為新君之初也

朱全忠殺諸王

全忠使將玄暉邀德王裕九人置酒九曲池悉縊

彗星長竟天

殺之投尸池中皆昭宗之子也

綱三月以王師範為河陽節度使

損裴樞崔遠並罷以張文蔚楊涉同平章事

為人和厚恭謹聞當為相泣謂其子凝式曰此吾家

之不幸也以為汝累

綱夏四月彗星出西北

長竟天

等三十餘人

目柳璨侍朱全忠之勢恣為威福會有

綱鑑易知錄

卷六十一

唐昭宣帝

九

星變占者曰君臣俱災宜誅殺以應之。璨因疏其素所不快者於全忠曰此曹也皆怨望腹非宜以之塞災異。李振因言於全忠曰王欲圖大事此曹皆朝廷之難制者也不若盡去之。全忠以為然。貶獨孤損裴樞崔遠陸辰王溥趙崇王贊等官有差。自餘或門胄高華或科第自進以名檢自處者皆指以為浮薄。貶之。六月朔聚樞等三十餘人於白馬驛一夕盡殺之。投尸於河。初李振屢舉進士不中第。故深疾縉紳之士。言於全忠曰此輩常自謂清流宜投之。黃河使為

清流使為濁流

李振鳴鳥

司空圖陽為衰野失儀

唐末惟司空圖一人

濁流全忠笑而從之。振自汴見上卷三至洛朝臣必有竄逐者時謂之鳴鳥。綱秋八月徵前禮部員外司空圖詣闕尋放還山。初圖棄官居虞鄉今山西平陽府解州王官谷。在平陽府臨晉縣東南昭宗屢徵之不起。柳璨以詔書徵之圖懼入見陽為衰野墜笏失儀。璨復下詔曰養高釣名匪夷匪惠難居公正之朝可放還山。

致堂胡氏曰唐末進退不汗者惟司空圖一人。其猶在韓偓之右乎。迹近而意遠情疎而罪微。此蔡邕伍瓊周恣之所難也。詳味其圖。事想見其人嗚呼其可謂賢矣哉。圖。見二五卷九。

柳璨負國賊

冬十一月吳王楊行密卒子渥代為淮南見上卷
節度使綱以梁王全忠為相國封魏王加九錫見上卷
九全忠不受綱十二月朱全忠弒太后何氏殺蔣玄
暉柳璨張延範目初柳璨與玄暉延範相結為全忠
謀禪代事何太后使宮人達意求傳禪之後子母生
全王殷趙殷衡譖玄暉云與璨延範與太后夜宴焚
香為誓與復唐祚全忠信之誅玄暉令殷等弒太后
於積善堂斬柳璨於上東門車裂延範於都市璨臨
刑呼曰負國賊柳璨死其宜矣

右唐二十一帝共二百八十九年

五代 梁唐晉漢周

後梁紀

太祖皇帝

姓朱名溫更名晃宋州碭山人父誠以五
全忠拜汴州刺史宣武軍節度進封梁王竟移
唐祚在位六年為子友珪所弒壽六十一歲

綱丁卯四年

四月以後梁太祖皇帝朱晃開平元年
西川稱唐天復七年是歲唐亡梁晉

岐淮南西川凡五國吳越湖

春正月淮南牙將張顥
南荆南福建嶺南凡五鎮

徐溫作亂

書曰作亂而後亂臣晉趙鞅見三四卷
不得以趙鞅藉口矣註十一與晉陽之

甲 目 楊渥驕侈日甚居喪酣飲作樂燃十圍之燭以

張徐兵諫

楊凝式知大義

擊毬或單騎出遊從者不知所之左右牙指揮使張顯徐溫泣諫渥怒顯溫潛謀作亂一日帥牙兵二百露刃直入庭中渥曰爾果欲殺我邪對曰非敢然也欲誅王左右亂政者爾因數上渥所親信十餘人之罪曳葉下擊殺之謂之兵諫綱三月唐遣使奉冊寶如梁目帝下詔禪位於梁遣宰相張文蔚楊涉及薛貽矩蘇循張策趙光逢等奉玉冊傳國寶帥百官備法駕詣大梁見上楊涉子直史館凝式言於涉曰大人為唐宰相而國家至此不可謂之無過況手持天

劉守光後號燕

子璽綬與人雖保富貴奈千載何蓋辭之涉大駭曰汝滅吾族神色為去之不寧者數日綱夏四月盧龍見上卷二六節度使劉仁恭為其子守光所囚目仁恭驕侈貪暴以大安山在直隸順天府房山縣北四面懸絕築館其上極壯麗實以美女與方士煉藥其中有愛妾羅氏其子守光通焉仁恭杖守光而斥之至是梁遣李思安擊之直抵城下仁恭在大安城幾不守守光自外引兵入登城拒守却之遂自稱節度使令部將李小喜攻大安虜仁恭以歸囚於別室守光弟守奇奔河東

蘇循薛貽
矩盛稱功
德

朱全昱貢
梁

見上綱梁王全忠更名晃忱稱皇帝奉唐帝為濟陰
王目張文蔚等至大梁梁王更名晃即皇帝位文蔚
等升殿讀冊寶已降帥百官舞蹈稱賀梁王與之宴
舉酒勞去之曰此皆諸公推戴之力也文蔚等皆慙
伏不能對獨蘇循薛貽矩盛稱功德宜應天順人梁
王復與宗戚飲博宮中其兄全昱欲謂曰朱三汝本
碭山見上一民也從黃巢為盜天子用汝為四鎮節
度使見上富貴極矣余何一旦滅唐家三百年社
稷他日得無滅吾族乎梁主不憚而罷奉唐帝為濟

後梁東西
都

楚

二國移檄
興復唐室

陰今山東兗州府曹州王遷於曹州使甲士守之綱梁以沐州
為東都開封府今河南開封府洛陽唐東都今河南河南府洛陽縣為西都
長安唐西京今陝西西安府長安縣為大安府依國軍綱梁以馬殷
見上卷二為楚王綱梁以敬翔知崇政院事梁主禪代之際
六又二入為楚王綱梁以敬翔知崇政院事梁主禪代之際
翔謀綱淮南西川移檄興復唐室綱時惟河東見晉
上卷鳳翔岐見上淮南吳見上稱天祐西川蜀見上稱天
二七復年號餘皆稟梁正朔蜀王建與楊渥移檄諸道云
欲與岐王晉王會兵興復唐室卒無應者建乃謀稱
帝遺去晉王書云請各帝一方晉王復書不許曰誓

李克用不
敢失節

李克用不
失信契丹

梁以錢鏐
為吳越王

於此生靡敢失節。綱岐王李茂貞開府。目茂貞治軍
寬簡無紀律。兵羸地蹙。不敢稱帝。但開岐王府。置百
官。宮殿號令。皆擬帝者。綱契丹遣使如梁。目是歲契
丹見四卷耶律阿保機姓耶律名帥眾三十萬寇雲
州。見上晉王與之連和。約為兄弟。延之帳中。縱酒盡
歡。約共擊梁。或勸晉王擒之。王曰。讎敵未滅。而失信
夷狄。自亡之道也。留之旬日。厚贈遺之。阿保機既歸
而背盟。更附於梁。晉王由是恨之。綱梁以錢鏐為吳
越王。目鎮海見上卷節度判官羅隱說鏐舉兵討梁。

羅隱說錢
鏐討梁

梁震終身
稱前進士

謂縱無成功。猶可退保。杭即鎮海越見上自為東帝。奈
何交臂事賊。為終古之羞乎。鏐始以隱為不遇於唐。
必有怨心。及聞其言。雖不能用心。甚義之。綱梁以高
季昌為荆南治湖廣節度使。目依政縣名故城在進
士梁震。唐末登第歸蜀。過江陵即荆高季昌愛其才
識。留之。欲奏為判官。震恥之。欲去。恐及禍。乃曰。震素
不慕榮宦。明公不以為愚。必欲使參謀議。但以白衣
侍樽俎可也。季昌許之。震終身止稱前進士。不受高
氏辟壁署。季昌甚重之。以為謀主。呼曰先輩。綱梁主

蘇循唐之
賜鼻

封其兄全昱為廣今廣東廣州府王。全昱不樂在京師，常居礪山上故里。三子皆封王。綱：梁禮部尚書蘇循等致仕，循及其子楷，自謂有功於梁，朝夕望為相。梁主薄其為人，敬翔、李振亦鄙之，言於梁主曰：蘇循、唐之鴟梟，賣國求利，不可以立於維新之朝。詔循等十人並勒致仕，楷斥歸田里。綱：秋七月，梁以劉守光為盧龍節度使。綱：九月，蜀王王建稱帝。

綱：戊辰晉岐淮南稱唐天祐五年梁開平三年。蜀高祖王建武成元年。是歲西川稱蜀凡五國五鎮。春正月，晉王李克用卒，子存勳立。綱：晉王病篤。

夾寨

命其弟克寧監軍，張承業大將，李存璋、吳珙洪掌書記，盧質立其子存勳為嗣。曰：此子志氣遠大，必能成吾事。爾曹善教導之。又謂克寧等曰：以亞子累汝，亞子存勳小名也。言終而卒，存勳襲位。尋克寧謀作亂，存勳殺之。綱：二月，梁主晃弒濟陰王。追諡曰唐哀皇帝。綱：夏五月，晉王攻梁夾寨。柴去聲。寨壘也。去年六月，梁遣康懷貞攻晉潞州，李嗣昭閉城拒守，晉遣周德威救之。八月，德威敗梁兵，梁遣李思安代懷貞至潞州城。下更築重城，內以防奔突，外以拒援兵，謂之夾寨。破之。潞州圍解。綱：李思安攻潞州。今山西潞安府久不下。晉王與諸將謀曰：上黨即潞州河東見之藩蔽，無上黨是無

李存勖破梁夾寨

河東也。且朱溫所憚者先王爾。聞吾新立。以為童子未開。軍旅必有驕怠之心。若簡精兵倍道趣之。出其不意。破之必矣。取威定霸。在此一舉。不可失也。乃大閱士卒。以丁會為都招討使。帥周德威等發晉陽。即河東。五月朔。晉王伏兵三垂岡。質實云。未詳處所。下詰乞旦。明旦。大霧。進兵直抵夾寨。梁軍無斥候。見四十六將士也。尚未起。晉王命周德威李嗣源分兵為二道。填塹。擊城水也。燒寨。鼓譟而入。梁兵大潰。南走。失亡將士萬計。委棄資械山積。梁主聞夾寨不守。大驚。既而歎

生子當如李亞子

爾曰。生子當如李亞子。克用為不亡矣。至如吾兒豚犬

費誓得列於典。謨命誥之後

致堂胡氏曰。喪不二事。故春秋於背喪而即。戎者皆深譏之。惟其門庭之寇。存亡繫焉。然後從權制而無避。此費誓所以得列於典。謨命誥之後也。若李存勖夾寨之戰。君子深。有取者。與是類耳。梁置夾寨。距晉陽不百里。可謂危急之勢矣。使存勖於是焉。執哀戚之常情。忽國家之大計。上黨淪陷。則晉陽不存。又豈所以為孝。是以審緩急。量輕重。出奇制勝。以走梁師。然後霸基復安。君子美音。費音祕。費誓。周書篇名。魯有之。垂訓大矣。註。徐夷為寇。魯公帶經征之。於費地。誓衆。故以費誓名篇。記曾子問篇。子夏問曰。三年之喪。卒哭。金革之事。無避也者。非與。孔子曰。吾聞諸老聃。曰。昔者魯公伯禽有為焉。之也。今以三年之喪。從其利者。吾弗知也。

綱晉王歸晉陽。晉王歸晉陽。休兵行賞。命州縣舉

賢才。黜貪殘。寬租稅。撫孤窮。伸冤濫。禁姦盜。境內大

治。綱淮南。見上。張顥徐溫弒其節度使楊渥。奉王弟

隆演以溫為左右牙都指揮使。軍

後溫復攻顥殺之。府事咸取決焉。以幕僚嚴可求為

揚州。綱秋七月。淮南將吏推楊隆演為節度使。

綱己巳。晉岐。淮南。稱唐天祐六年。梁開春正月。梁遷

都洛陽。綱淮南徐溫自領昇州刺史。綱徐溫以金陵

軍副使領昇州刺史。畱廣陵。以其假子元從

南唐徐知誥

祖以義兵起太原。已定天下。悉罷遣歸。其願畱宿衛者三萬人。號元從禁軍。指揮使知誥

為昇州防遏。兼樓船副使。往治之。綱夏四月。梁以王

審知為閩。即福州。見上卷。王。綱審知儉約。常躡麻履。

府舍卑陋。未嘗營葺。寬刑薄賦。公私富實。境內以安。

綱秋七月。梁以劉守光為燕。燕。今直隸順天府。王。

綱庚午。晉岐。吳。稱唐天祐七年。梁開平四年。岐

見上卷。王承制加楊隆演嗣吳王。綱夏四月。梁宋州

獻瑞麥。綱梁宋州。今河南歸德府。節度使衡王友諒獻瑞麥。

一莖。恆也。三穗。遂。梁主曰。豐年為上瑞。今宋州大

綱鑑易知錄

卷六十一

五代梁太祖

十一

水安用此為詔除本縣令名遣使詰責友諒以惠王友能代之。

綱辛未。晉岐吳稱唐天祐八年梁乾化元年。是歲凡五國五鎮。春正月。

朔日食。綱三月梁清海見上節度使劉隱卒弟巖知

留後。秋八月燕王劉守光稱帝。綱冬十月晉遣李

承勳使于燕。目晉王聞劉守光稱帝大笑曰俟彼十

年吾當問其鼎見四卷矣。張承業請遣使致賀以驕

之。晉王遣太原見上卷少尹李承勳往用鄰藩通使

之禮燕典客欲使稱臣庭見現承勳曰吾受命於唐

晉張承業請驕劉守光

李承勳不

屈馮道二主

朝為太原少尹燕王豈得而臣之乎守光怒囚之數

日竟不能屈。綱十一月幽州即順天府參軍馮道奔

晉。目劉守光攻趙趙王鎔成德節度王景崇之姪梁

伐之。成德軍治鎮易定俱見五三道以為未可繫

獄得免亡奔晉張承業薦之晉王以為掌書記。綱劉

守光寇易定晉遣兵救之。

綱壬申。晉岐吳稱唐天祐九年梁乾化二年。是歲凡五國五鎮。春正月晉師及

鎮定之兵伐幽州二月梁主救之大敗走還。綱夏五

月梁主至洛陽。目梁主至洛陽疾甚謂近臣曰我經

營天下三十年。不謂太原餘孽。謂李存勗更昌熾如此。吾

觀其志不小。天復奪我年。我死。諸兒非彼敵也。吾無

葬地矣。因哽咽。煙入聲。悲塞也。絕而復蘇。綱六月。梁郢王

友珪弒其主晃而自立。目梁主長子友裕早卒。次假

子博王友文。梁主特愛之。常留守東都。見上次郢王

友珪其母媚也。為控鶴。見四七卷三指揮使。無寵。次均王

友貞為東都指揮使。初張后嚴整多智。梁主敬憚之。

后殂。梁主恣意聲色。諸子雖在外。常徵其婦入侍。友

文婦王氏色美。尤寵之。欲以友文為太子。友珪心不

朱溫淫子
婦被弒

老賊萬段

平。梁主疾甚。命王氏召友文。欲付以後事。友珪婦張

氏知之。密告友珪。珪與統軍韓勅合謀。以牙兵雜控

鶴士中。夜斬關入。至寢殿。梁主驚起曰。我固疑此賊

恨不早殺之。汝悖逆如此。天地豈容汝乎。友珪曰。老

賊萬段。段秀實罵朱泚曰狂賊吾恨不斬汝萬段見五三卷二九友珪僕夫馮延

諤刺梁主腹。刃出於背。以敗衾裹之。瘞。意也。於寢殿

遣供奉官丁昭溥馳詣東都。命友貞殺友文。矯詔稱

友文謀逆。賴友珪忠孝。將兵誅之。宜令友珪權主軍

國之務。韓勅為友珪謀。多出金帛。賜諸軍及百官。以

取悅乃發喪即位綱秋七月梁以楊師厚為天雄見

二卷節度使師厚既得魏博又兼都招討使宿綱梁

遣兵擊河中今山西平陽府蒲州節度使朱友謙降晉綱梁以

敬翔同平章事綱冬十月晉王救河中梁兵敗走

梁主瑱太祖第三子諱友珪即帝位及唐兵入都

遂自殺而國亡在位十年壽二十六歲綱癸酉晉岐吳稱唐天祐十年梁主瑱春二月梁均

王友貞起兵討賊友珪伏誅友貞立于大梁更名瑱

鎮友謙復歸梁綱友珪遽為荒淫內外憤怒駙馬都

尉趙巖太祖之壻也龍虎統軍袁象先太祖之甥也

巖奉使至大梁即東都均王友貞密與之謀誅友珪巖

曰此事成敗在楊令公謂楊師厚得其一言諭禁軍吾事

立辦均王乃遣腹心說師厚曰郢王篡弑人望屬祝

在大梁公若因而成之此不世之功也師厚乃遣其

將王舜賢至洛陽陰與袁象先謀巖歸洛陽亦與象

先定計象先等帥禁兵數千人突入宮中友珪令馮

廷諤先殺妻次殺已廷諤亦自剄均王即位於大梁

更名瑱加揚師厚兼中書令賜爵鄴見五五王遣使

招撫朱友謙友謙復稱藩綱夏四月晉師逼幽州見

綱鑑易知錄 卷六十一 五代梁主瑒

拔平今直隸營今永平府昌黎縣州綱六月梁賜高季昌見上

十四今直隸河王綱冬十一月晉王入幽州執

劉仁恭及守光以歸

晉岐吳稱唐天祐十一年梁乾春正月劉仁

恭劉守光伏誅綱晉王以練紆充夜反車去聲劉

仁恭父子凱同歌軍勝入於晉陽獻於太廟自臨斬

劉守光械仁恭至代州今太原府代州刺威其心血

以祭先王墓然後斬之昭宗景福二年時劉仁恭為

幽州將攻王帥李匡籌不克奔河東李克用厚待之乾寧元年克用克幽州二年

李存勖斬劉仁恭父子

如華州克用徵兵於仁恭以入援仁恭辭以契丹入

寇不出兵克用移書責之仁恭抵書慢罵囚其使者

克用大怒自將擊之河東兵大敗仁恭

驕侈貪暴天祐四年為其子守光所囚

遂昌尹氏曰守光死有餘辜若仁恭既為其子

所囚併書伏誅何哉仁恭本幽州偏較攻其主

帥奔敗僅免藉河東之力遂得盧龍既而乘輿

播越克用名兵入援傲然拒之吞噬鄰境至謂

誅者豈以其見囚於子而遂末滅其罪也乎

綱高季昌攻蜀夔州今四川夔州府不克綱秋八月蜀以毛

文錫判樞密院見二七上有堰壅水或勸蜀主

乘夏秋江漲障決之以灌江陵見上文錫諫曰季昌

不服其民何罪陛下方以德懷天下忍以鄰國之民

蜀毛文錫諫灌江陵

綱鑑易知錄 卷六十一 五代梁主瑒 二一

為魚鼈食乎。蜀主乃止。

綱乙亥。晉岐吳稱唐末祐十二年。梁貞春正月。梁分

天雄。見上為兩鎮。夏四月。魏人降晉。六月。晉王入魏。

梁以魏博強盛於相州。置昭德軍。分魏州將士府庫

之半於相州。恐魏人不服。遣劉鄩將兵六萬濟河以

勝之。四月。魏人求援於晉。五月。晉王引大軍東下。劉

鄩趨魏縣。晉王引親軍與鄩夾河為營。六月。晉王入

綱秋七月。梁劉鄩引兵襲晉陽。不至。還守莘城。

目劉鄩以晉兵盡在魏州。晉陽必虛。欲襲取之。乃潛

引兵自黃澤質實云。未詳處所。西去。晉人怪鄩軍數日不出。

遣騎覘諂平去二聲。窺視也。之時。見旗幟循堞疊。城上。女垣也。往

劉鄩一步百計

來。晉王曰。吾聞劉鄩用兵一步百計。此必詐也。更使

覘之。乃縛芻為人。執旗乘驢在城上。爾晉王曰。鄩長

於襲人。短於決戰。計彼行纔及山下。亟發騎兵追之。

晉將李嗣恩倍道先入晉陽。城中知之。勒兵為備。鄩

糧盡。又聞晉有備。追兵在後。眾懼將潰。會鄩諭止之。

周德威聞鄩西上。自幽州見上引千騎救晉陽。鄩知臨

清今山東東昌府臨清州。有蓄積。欲據之以絕晉糧道。德威

急追至南宮。見五四卷十二。擒其斥候見十五上。者斷腕而縱。

之。使言曰。周侍中已據臨清矣。詰朝見同上。略鄩營。

周侍中已據臨清

而過入臨清。鄆引軍趨貝州。見五四。卷十一。軍堂邑。今東昌府堂邑。

縣德威攻之不克。翌日軍於莘縣。今東昌府莘縣。見十五。而

守之。晉王營莘西三十里。一日數戰。晉王愛元行欽

初劉守光將元行欽高行珪及弟行周俱降於李嗣源。驍健從李嗣源求之。賜

姓名曰李紹榮。王復欲求高行周。重於發言。密使人

以官祿啗之。淡。餌之。行周辭曰。代州謂李嗣源養壯士。亦

為大王爾。行周事代州。亦猶事大王也。代州脫行周

兄弟於死。行周不忍負之。乃止。綱八月。梁劉鄩攻鎮

定。見上。營。晉擊敗之。劉鄩奔還。綱冬十月。梁康王友敬作

高行周不忍負代恩

梁主任趙張以至於亡

亂伏誅。梁德妃張氏卒。將葬。友敬使腹心數人匿

於寢殿。梁主覺之。召宿衛兵索殿中。得而手刃之。捕

友敬誅之。由是疎忌宗室。專任趙巖及妃兄弟漢鼎

漢傑。從兄弟漢倫漢融。巖等依勢弄權。賣官鬻獄。離

間。諫。舊將相敬翔李振。雖為執政。所言多不用。振每

稱疾不預事。政事日紊。以至於亡。

綱丙子。晉岐吳稱唐天祐十三年。梁貞明二年。是歲凡五國五鎮。春正月。

梁以李愚為左拾遺。梁主聞李愚學行。名為左拾

遺。充崇政院直學士。衡王友諒貴重。李振等見皆拜

李愚不拜
衡王

張承業治
家甚嚴

之愚獨長揖梁主讓也青之曰衡王朕兄也朕猶拜之
卿長揖可乎對曰陛下以家人禮見衡王拜之宜也
振等陛下家臣臣於王無素不敢妄有所屈久之竟
以抗直罷綱秋九月晉王還晉陽目王性孝雖經營
河北道名治魏州今直隸大名府而數胡還晉陽省曹夫人見上
歲再三焉綱冬十二月晉以張瓘貫為麟州刺史目
張承業治家甚嚴有姪為盜殺販牛者承業斬之晉
王以其姪瓘為麟州今陝西延安府神木縣刺史承業謂曰汝
本為賊慣為不法今若不悛詮死無日矣由此瓘

述律后
人

所至不敢貪暴綱契丹稱帝改元目契丹主阿保機
見上自稱皇帝國人謂之天皇王以妻述律氏為皇
后三置百官改元神册晉王方經營河北欲結契丹為
援常以叔父事阿保機以叔母事述律后劉守光末
年衰困遣參軍韓延徽求援於契丹阿保機怒其不
拜留之使牧馬於野延徽有智略頗知屬祝文述律
后曰延徽能守節不屈此今之賢者奈何辱以牧圉
語·養牛曰宜禮而用之阿保機名與語悅之遂以
為謀主延徽始教契丹建牙開府築城郭立市里以

韓延徽懼
王緘之讒

處漢人使各有配偶墾藝荒田由是漢人安業逃亡者少契丹威服諸國延徽有功焉頃之逃奔晉陽晉王欲置之幕府見上掌書記王緘疾之延徽不自安求歸省母遂復入契丹阿保機待之益厚至是以為相延徽寄書於晉王曰非不戀英主非不思故鄉所以不畱正懼王緘之讒爾因以老母為託且曰延徽在此契丹必不南牧故終同光後唐莊宗年號之世契丹不深入為寇延徽之力也綱晉王如魏州

綱丁丑

晉岐吳稱唐天祐十四年梁貞明三年蜀天漢元年漢乾亨元年。是歲嶺南稱漢凡

六國

春二月晉新州

今直隸保安州

裨皮

將

偏將也盧文進殺

其防禦使李存矩

晉王之弟

亡奔契丹

綱三月契丹陷新

州晉師攻之不克

綱契丹圍幽州夏四月晉王遣李

嗣源將兵救之圍契丹乘勝進圍幽州見上盧文進教

之攻城周德威遣使告急晉王與梁相持河上欲分

兵則兵少欲勿救恐失之謀於諸將獨李嗣源李存

審閣寶勸王救之王喜曰昔太宗得一李靖猶擒頡

利見四三卷今吾有猛將三人復何憂哉存審寶以

為虜無輜重勢不能久不若俟其還而擊之李嗣源

一李靖猶擒頡利

李嗣源勇於救國

張承業治晉陽

曰德威社稷之臣。今朝夕不保。恐變生於中。何暇待虜之衰。臣請身為前鋒以赴之。王曰。公言是也。即日命治兵。四月。命嗣源將兵先進。寶以鎮定。見上之兵繼之。**綱**五月。吳徐溫。時溫鎮潤州。今江南鎮江府。徙治昇州。見上徐知誥為潤州團練使。**綱**秋八月。劉巖稱越帝于廣州。即清海軍治。見上**綱**冬十月。晉王還晉陽。王連歲出征。凡軍府政事。一委監軍使張承業。承業勸課農桑。畜積金穀。收市兵馬。征租行法。不寬貴戚。由是軍民肅清。饋餉不乏。王或時須錢。指

張承業惜庫錢

博見上及給賜伶人。見四五卷而承業靳之。王乃置酒庫中。令其子繼岌及為承業舞。指錢欲賜之。承業曰。此錢大王所以養戰士也。承業不敢以為私禮。下不悅。語侵之。承業怒曰。僕老救使爾。非為子孫計。惜此庫錢。所以佐王成霸業也。不然。王自取用之。何問僕為。不過財盡人散。一無所成。爾王怒。顧李紹榮。索劍。承業起挽王衣。泣曰。僕受先王顧託之命。誓為國家誅汴賊。梁朱全忠若以惜庫物死於王手。僕下見先王無愧矣。曹太夫人聞之。遽令召王。王惶恐叩頭謝。請

承業痛飲以分也解釋其過承業不肯王入宮太夫人

使人謝承業曰小兒忤特進承業官特進見五一卷五已咎之矣

明日與王俱至承業第謝之未幾承制授承業開府

儀同三司左衛上將軍燕國公承業固辭不受但稱

唐官終身盧質嗜酒輕傲王銜恨也之承業恐其及

禍乘閒閒乘言曰盧質數無禮請為大王殺之王

曰吾方招納賢士以就功業七哥何言之過也承業

起賀曰王能如此何憂不得天下質由是獲免

張承業稱唐官終身

七哥何言之過

張承業可為內侍師

致堂胡氏曰張承業之志行雖縉紳士大夫有遠不能及者可以為內侍之師法矣為晉養民

法

畜財軍興不之職也受克用顧託不敢違負忠也

也行法不寬貴戚不以官物為私禮公也晉王欲使分過終不承命守也居唐官終其身義也

使中常侍皆率此道烏有趙高石顯張讓之禍哉

綱十一月晉王如魏州

綱戊寅晉岐吳稱唐天祐十五年。梁貞明四年。是歲凡六國四鎮春正月

晉師掠梁濮今山東東昌府濮州鄆今山東兗州府鄆城縣而還

目梁敬翔上疏曰國家連年喪師疆土日蹙陛下所

與計事者皆左右近習豈能量敵國之勝負乎宜詢

訪黎老別求異策不然憂水艾也疏奏趙張趙巖及張漢鼎

吳徐知誥
輔政

徐知誥以
宋齊丘為
謀主

凡之徒言翔怨望。梁主遂不用。綱夏六月。蜀主建殂。太子宗衍立。綱秋七月。吳以徐知誥為淮南見上行軍副使。輔政。綱吳徐溫入朝於廣陵即淮南治。以知誥為軍副使。知誥權潤州團練見上事。溫還金陵即昇州。見上。庶政皆決於知誥。知誥事吳王盡恭。接士大夫以謙。御眾以寬。約身以儉。綱通布平稅求賢才。納規諫。除姦猾。杜請託。於是士民歸心。宿將悅服。以宋齊丘為謀主。先是吳有丁口錢。又計畝輸錢。錢重物輕。民甚苦之。齊丘請蠲丁口錢。餘稅悉輸穀帛。知誥從之。

水亭屏語

鐵筋畫灰
為字
晉王大舉
伐梁

由是江淮閒曠土益闢。桑柘滿野。國以富强。知誥欲進用齊丘。而徐溫惡之。知誥夜引齊丘於水亭。屏丙語。屏退左常至夜分。或居高堂。悉去屏如障。獨置大爐。以鐵筋同著畫灰為字。隨以匙時滅去之。故其所謀人莫得而知也。綱八月。晉王大舉伐梁。書義晉也。晉王謀大舉伐梁。周德威將幽州步騎三萬。李存審。李嗣源。及王處直。遣將各將步騎萬人。及諸部落奚契丹。室韋。俱見四九吐谷渾。見五二皆以兵會之。并河東。見上卷魏博治直隸大名之兵。大閱於魏州。

軍於麻家渡。質實云未詳處所梁賀瓌規謝彥章屯濮州。見上北相持不戰。晉王好自引輕騎追敵營挑戰。見五一卷七危窘者數四。賴李紹榮力戰得免。趙王鎔及王處直皆遣使致書曰。元元見二三四之命繫於王。本朝中興繫於王。奈何自輕如此。主笑謂使者曰。定天下者非百戰何由得之。安可深居帷房以自肥乎。一旦將出。李存審扣馬泣諫曰。大王當為天下自重。先登陷陣。存審之職也。王為去之攬轡而還。他日伺存審不在。策馬急出。以數百騎抵梁營。謝彥章伏精甲五千圍。

南莫

王數十重。王力戰僅得出。始以存審之言為忠。綱冬十一月。越改國號漢。綱十二月。晉王與梁戰于胡柳陂。坡周德威敗死。晉王收兵復戰。大破梁軍。綱已卯。晉岐稱唐天祐十六年。梁貞明五年。蜀乾德元年。吳宣王楊隆演武義元年。是歲凡六國春。三月。晉以郭崇韜為中門副使。目孟知祥薦教練使鴈門。今山西太原府代州郭崇韜能治劇。極王以為中門副使。崇韜倜儻有智略。臨事敢決。王寵待日隆。知祥稱疾辭位。崇韜專典機密。綱夏四月。吳王隆演建國改元。綱秋七月。吳越攻吳常州。吳人與戰破之。

綱鑑易知錄 卷六十一 五代梁主頊 二九

徐溫遇叛將

曹筠內愧而卒
錢鏐悲何逢馬

吳越王鏐遣錢傳瓘將兵三萬攻吳常州。今江南常州府徐溫帥諸將拒之。戰於無錫。今常州府無錫縣吳越兵敗。殺其將何逢。傳瓘遁去。溫募生獲叛將陳紹者。賞錢百萬。獲之。紹勇而多謀。溫復使之典兵。初吳將曹筠亦奔吳越。溫厚遇其妻子。遣間諜使告之曰。使汝不得志而去。吾之過也。及是役。筠復奔吳。溫自數上。昔日不用筠言者三。而不問其罪。歸其田宅。復其軍職。筠內愧而卒。吳越王鏐見何逢馬。悲不自勝。故將士心附之。鏐自少在軍中。夜未嘗寐。倦極則就圓木小

警枕

粉盤

吳盧樞請團結民兵

枕。或枕去聲大鈴。寐熟輒敲溪而寤。名曰警枕。置粉盤於臥內。有所記。則書盤中。比老不倦。綱。晉王以馮道掌書記。綱。八月。吳與吳越連和。自是吳國休兵息民。三十餘州。民樂業者二十餘年。綱。冬。十二月。吳團結民兵。目。吳禁民私畜兵器。盜賊益繁。御史臺主簿盧樞言。今四方分爭。宜教民戰。且善人畏法禁。而姦民弄干戈。是欲偃武而反招盜也。宜團結民兵。使之習戰。自衛鄉里。從之。綱。庚辰。晉岐。稱唐天祐十七年。梁貞明六年。是歲。梁。晉。岐。蜀。漢。吳。凡六國。吳越。湖南。荆南。福建。凡四。夏。五月。吳宣王隆演卒。弟溥立。目。王疾。溫自金

陵入朝議當為嗣者或曰蜀先主謂武侯嗣子不才君宜自取見卷十九溫正色曰吾果有意取之當在誅張顥見上之初豈至今日邪使楊氏無男有女亦當立之敢妄言者斬乃以王命迎丹陽公溥監國王殂溥即位

綱 辛巳

晉岐稱唐天祐十八年梁龍德元年吳睿皇楊溥順義元年是歲凡六國四鎮春

正月晉得傳國寶蜀主吳王屢以書勸晉王稱帝

晉王以示僚佐曰昔王太師王建亦嘗遺去先王書

勸以自帝一方先王語去聲余云昔天子幸石門昭宗乾寧

二年王行瑜李茂貞韓建犯闕李克用舉兵討三鎮王行約李繼鵬作亂上如石門鎮吾發兵

誅賊臣王行瑜誅之當是之時威振天下吾若挾天

子據關中自作九錫見上禪文誰能禁我顧吾家世

忠孝立功帝室誓死不為耳他日當務以復唐社稷

為心慎勿效此曹所為言猶在耳此議非所敢聞也

因泣既而將佐及藩鎮勸進勸勉進上不已乃令有

司市玉造法物黃巢之破長安也魏州見上僧得傳國

寶至是以為常玉將鬻之或識之曰傳國寶也乃詣

行臺獻之將佐皆奉觴稱賀張承業聞之亟詣魏州

魏州僧獻晉傳國寶

張承業詣魏州亟諫

諫曰。吾王世世忠於唐室。救其患難。所以老奴三十餘年為王。拮据均上拾拮亦財賦。名補兵馬。誓滅逆賊。復本朝宗社耳。今河北見上甫定。朱氏尚存。而王遽即大位。殊非從來征伐之意。天下其誰不解體乎。王何不先滅朱氏。復列聖之深讎。然後求唐後而立之。南取吳。西取蜀。汎掃宇內。合為一家。當是之時。雖使高祖太宗復生。誰敢居王上者。讓之愈久。則得之愈堅矣。老奴之志無他。但以受先王大恩。欲為王立萬年之基耳。王曰。此非余所願。奈羣下意何。承業知不

可止。慟哭曰。諸侯血戰。本為唐家。今王自取之。誤老奴矣。即歸晉陽。邑邑同悒成疾。不復起。綱秋七月。晉以蘇循為節度副使。循故唐之鴟梟。晉王乃悅其諛而用之。不念其賣國於盜乎。直筆書之。晉王既許藩鎮之請。求唐舊臣。朱友謙去年四月。梁朱友謙復以河中降晉。遣蘇循梁開平元年。蘇循等並勤致仕。循與子指之。河中依朱詣行臺。循至魏州。望府即拜。謂之拜殿。見王呼萬歲。舞蹈泣而稱臣。翌日。又獻大筆三十枚。謂之畫日筆。王大喜。即命循為河東節度治河中。見上副使。張承業深惡之。

畫日筆

蘇循拜殿

綱鑑易知錄

卷六十一 五代梁三瑛

三二

綱壬午。晉岐稱唐天祐十九年。梁龍冬十一月。唐特進。見上河東。見上卷。監軍使張承業卒。書法見。曹八卷六。曹太夫人詣其第。為之行服。如子姪之禮。晉王聞之。亦不食者累日。

右後梁二主共十七年

尺木堂綱鑑易知錄卷六十

尺木堂綱鑑易知錄卷六一

周之炯靜專

通鑑綱目定本

山陰吳乘權楚材同輯

周之燦星若

後唐紀

莊宗皇帝

姓李名存勳。小字亞子。其先出於西突厥。自號沙陀。而以朱邪為姓。祖赤心。討龐勳。

功拜振武節度。賜姓李。名國昌。父克用。破黃巢。復京師。功拜河東節度。封晉王。存勳嗣立。滅梁。稱帝。國號唐。在位三年。為壽。晉王存勳。立滅梁。

綱癸未

岐稱唐天祐二十年。梁龍德三年。盡十月。四。月。以後唐莊宗李存勳。同光元年。是歲。梁。

亡晉稱唐凡五國四鎮夏四月晉王存勖稱皇帝于魏州見上卷二

八國號唐綱目於晉多予辭此其書稱皇帝如梁

所以殊朱邪於李氏也不書則疑於漢昭烈綱唐以

豆盧虜複革盧程同平章事郭崇韜張居翰為樞密

使綱閏月唐遣李嗣源襲梁鄆州見上卷取之以嗣

源為節度使綱秋七月唐盧程罷綱八月梁以段凝

為招討使遣王彥章張漢傑攻鄆州綱梁將康延孝

奔唐法書延孝何以書志梁所以亡也延孝奔唐而後

而後書是故得李祐而後准西之破決得註音李祐見

延孝而後朱梁之亡決綱目每謹書之註音五六卷

梁康延孝奔唐

八日唐主引兵屯朝城今山東東昌府朝城縣康延孝來奔唐

主解錦袍玉帶賜之以為招討指揮使問以梁事對

曰梁朝地不為狹兵不為少然主既暗懦趙張見上卷二

擅權段凝智勇俱無近又聞欲數道出兵令董璋

趨太原見五九卷霍彥威寇鎮定見上卷王彥章

攻鄆州段凝當陛下決以十月大舉臣竊觀梁兵聚

則不少分則不多願陛下養勇蓄力以待其分帥精

騎五千自鄆州直抵大梁梁東都今河南開封府見上卷十九擒其偽

主旬月之間天下定矣唐主大悅綱冬十月唐主救

康延孝為唐謀滅梁

廢帝李從珂

鄆州梁師敗績王彥章死之唐主入大梁梁主瑱自
殺唐遂滅梁唐主聞梁人欲大舉數道入寇深以
為憂召郭崇韜問之對曰梁今悉以精兵授段凝決
河自固恃此不復為備凝非將材不足畏降者皆言
大梁無兵陛下若留兵守魏見上固保楊劉亦作雷
名在鄆州北自以精兵與鄆州合勢長驅入汴汴州即大梁偽
主授首則諸將自降矣唐主曰此正合朕志丈夫得
則為王失則為虜吾行決矣王彥章將攻鄆州李嗣
源遣從珂魏氏為嗣源妾故養以為子逆戰敗其

王彥章死節

前鋒彥章退保中都今山東兗州府汶上縣捷奏至唐主喜曰
鄆州告捷足壯吾氣濟河至鄆州中夜進軍以李嗣
源為前鋒遇梁兵一戰敗之追至中都圍之梁兵潰
會追擊破之彥章走將軍李紹奇追之彥章重傷馬
躓至也遂擒之并擒張漢傑等二百餘人斬首數
千級唐主惜彥章之材欲用之彥章曰余本匹夫蒙
梁恩位至上將與皇帝交戰十五年今兵敗力窮死
自其分縱皇帝憐而生我我何面目見天下之人乎
豈有朝為梁將暮為唐臣此我所不為也康延孝請

綱鑑易知錄

卷六一 五代唐莊宗

三

函取大梁。嗣源曰：兵貴神速，今彥章就擒，段凝必未之知。此去大梁至近，無險方也。並陳兼程，信宿見也。可至。段凝未離河上，友貞梁王瑛初名友貞已為吾擒矣。延孝之言是也。請陛下以大軍徐進，臣願以千騎前驅。唐主從之。令下，諸軍踴躍。嗣源是夕遂行。明日唐主發中都，以王彥章終不為用，斬之。越二日，至曹州。今兗州府曹州梁守將降，梁主聞彥章就擒，唐軍且至，日夜涕泣，不知所為。置傳國寶於臥內，忽失之。已為左右竊之。迎唐軍矣。梁主謂皇甫麟曰：吾不能自裁，卿可斷短。

吾首。麟泣曰：臣為陛下揮劍死，唐軍則可矣。不敢奉此詔。梁主曰：卿欲賣我邪？麟欲自剄。梁主持之曰：與卿俱死。麟遂弑梁主，因自殺。梁主為人溫恭儉約，無荒淫之失。但寵信趙張見上，使擅威福。疎棄敬李敬翔李振舊臣，不用其言，以至於亡。李嗣源軍行五日，至大梁。王瓚開門出降。是日唐主亦至，入自梁門。嗣源迎賀。唐主喜不自勝，升手引嗣源衣，以頭觸之曰：吾有天下，卿父子之功也。天下與爾共之。詔漆朱友貞首函之，藏於太社。**綱**梁段凝降唐。賜姓名李紹欽**綱**敬翔已益死李

振趙巖張漢傑等伏誅夷其族綱唐毀梁宗廟追廢朱溫朱友貞為庶人綱唐以郭崇韜守侍中綱梁河南尹見四八張宗奭即唐河南尹張全義梁祖朱溫改其名為宗奭入朝于唐綱宗奭來朝復名全義唐主欲發梁太祖墓斲棺焚屍全義言朱溫雖國之深讎然其人已死刑無可加屠滅其家足以為報乞免焚斲以存聖恩唐主從之但鎗產其闕室削封樹而已

致堂胡氏曰朱全忠并弑二主毀唐宗社凶悖殘暴無與為比莊宗列數其罪誕告多方發冢斲棺焚屍而斲之汗猶其宮室然後快人心合天意垂後來亂賊之鑒全義懷私甘辱豈知帝

張全義諫發朱溫墓

王懲戒之大方莊宗過聽其言而略於討惡之典惜哉

綱唐加李嗣源中書令綱楚王殷馬殷見上遣使入

貢于唐綱吳王楊溥見上遣使如唐綱吳貶鍾泰章為

饒州刺史綱吳人有告壽州今江南鳳陽府壽州團練使鍾泰

章侵市官馬者徐知誥見上卷遣王稔代之以泰章

為饒州今江西饒州府刺史徐溫召至金陵見上使陳彥謙

詰乞之三不對或問泰章何以不自辨泰章曰吾在

壽州去淮數里步騎五千苟有他志豈王稔單騎能

代之乎我義不負國雖黜為縣令亦行況刺史乎何

鍾泰章三詰不對

為自辨以彰朝廷之失。綱彗星見五卷見長丈餘蜀

亡之。綱十一月唐以李紹欽即段為泰寧節度使。目

紹欽因伶人見上卷景進納貨於宮掖掖宮故有是

命。唐主幼善音律或時自傅附粉墨與優人共戲於

庭以悅劉夫人優名謂之李天下嘗自呼曰李天下

李天下優人敬新磨遽前批以手擊其頰唐主失色

新磨徐曰理天下者只有一人尚誰呼邪唐主悅厚

賜之諸伶出入宮掖侮弄搢紳羣臣憤疾莫敢出氣

綱唐以趙光胤韋說同平章事豆盧革判租庸見四卷

優名李天下

一兼鹽鐵轉運使目唐荆南見上卷節度使高季興

本名季昌避唐入朝尋還尋還綱十二月唐遷都洛陽今

南河南府

洛陽縣目從張全義之請也

綱甲申後唐同光二年是歲春正月岐見五九王

茂貞李茂遣使入貢于唐綱二月唐主祀南郊大赦

目郭崇韜頗受饋遺所親諫之崇韜曰吾祿賜巨萬

豈藉外財但以偽梁之季賄賂成風今河南藩鎮皆

梁之舊臣主上之仇讎也若拒其意能無懼乎吾特

為國家藏之私室耳及將祀南郊崇韜獻錢十萬緡

郭崇韜不
拒賂遺

分財賦為內外府

民錢也

先是宦官勸唐主分天下財賦為內外府州

縣上供者入外府充經費方鎮貢獻者入內府充宴

賜於是外府常虛竭無餘而內府山積志及是乏勞

去軍錢崇韜言於上曰臣已傾家所有以助大禮願

陛下亦出內府之財以賜有司唐主默然久之曰晉

陽舊晉都今山西太原府自有儲積可令租庸見上輦連上取於

是軍士皆不滿意始怨恨有離心矣綱唐以李茂貞

為秦見五九王綱唐立夫人劉氏為后綱郭崇韜位

兼將相權侔人主性剛急遇事輒發嬖倖僥求多所

岐改號秦

摧抑宦官朝夕短之崇韜扼腕不能制先是唐主欲

以劉夫人為皇后而有正妃韓夫人在太后曹氏素惡

劉夫人崇韜亦屢諫唐主以是不果於是所親說崇

韜曰公若請立劉夫人為皇后則伶官輩不能為患

矣崇韜從之與宰相帥百官共奏請立之

致堂胡氏曰崇韜希莊宗邪心請立非所宜立將以自安反以自族嗚呼豈不足為持祿迷邪者之戒哉

綱三月唐封高季興為南平今湖廣岳州王綱唐以

李存賢為盧龍節度治直隸永平府使綱初唐主嘗與存賢

渤海改封南平

綱鑑易知錄

卷六

一 唐莊宗

七

唐主不失
手搏之約

手搏存賢不盡其技。唐主曰：汝能勝我，當授藩鎮。存賢乃什唐主。至是以存賢鎮幽州。隸盧龍軍，今直隸順天府。曰：手搏之約，吾不食言。謂言已出而反吞之也。商書朕不食言。矣。綱夏四月，唐遣客省使李嚴如蜀。目唐遣客省使李嚴使於蜀。嚴還言：王衍童駮，涯上聲荒縱不親政務，賢愚易位，刑賞紊亂，大兵一臨，瓦解土崩。見二十三卷二四可翹舉也足而待也。唐主然之。綱唐秦王李茂貞卒。遺奏以其子繼職權知軍府事。綱五月，唐以李繼職為鳳翔節度使。綱秋八月，唐以孔謙為租庸使。目謙重斂急徵，以充唐王之

黜李從珂

欲民不聊生，賜號豐財，贈國功臣。綱冬十二月，契丹見上卷。寇蔚州。見五九卷三唐遣李嗣源禦之。綱乙酉。後唐同光三年。蜀咸康元年。是歲凡四國四鎮。春二月，唐以李嗣源為成德節度使。治直隸真定府。綱三月，唐黜李從珂為突騎指揮使。目唐主性好勝，不欲權在臣下。信伶官之讒，頗疎忌宿將。李嗣源家在太原。見上卷表從珂為北京。後唐以鎮州為真定府，建北都，尋復廢為成德軍。內牙同衙指揮使，以便其家。唐主怒，黜從珂為突騎指揮使，帥數百人戍石門鎮。在陝西西安府淳化縣。綱秋七月，唐太后曹氏

殺羅貫

羅貫。貫性彊直。為郭崇韜所知。用為河南令。為政不避權豪。伶官請託。一不報。皆以示崇韜。崇韜奏之。由是伶官切齒。張全義亦惡之。遣婢訴於劉后。后與伶官共毀之。唐主含怒未發。會往視坤陵。曹太后墓也。道潭。寧上聲。泥淖也。橋壞。怒。下貫獄。明日傳詔殺之。崇韜諫曰。貫法不至死。唐主怒曰。太后靈駕將發。天子朝夕往來。橋道不脩。卿言無罪。是黨也。崇韜曰。陛下以萬乘之尊。怒一縣令。使天下謂陛下用法不平。臣之罪

郭崇韜諫殺羅貫

也。唐主不聽。貫竟死。暴屍府門。遠近冤之。

致堂胡氏曰。莊宗五日不食。學禮者之所難也。然。管子曰。斷一樹。殺一獸。不以其時。非孝也。沈為。伶官譖毀而殺賢令。乎。然則莊宗之不食五日。才足為小節。而殺賢縣令。是乃大不孝。可謂不能充其類者也。

綱九月唐遣魏王繼岌及郭崇韜將兵伐蜀。唐主

與宰相議伐蜀。以繼岌莊宗子充西川見上卷行營都

統。郭崇韜充都招討制置等使。軍事悉以委之。又以

高季興充招討使。李繼岌充轉運使。李令德李紹琛

反。丑森張筠云毛璋董璋李嚴皆為列將。將兵六萬伐

莊宗不能充其類

綱鑑易知錄

卷六十一

五代唐莊宗

蜀工部尚書任圜翰林學士李愚並參預軍機

冬十一月唐師滅蜀蜀主王衍降

郭崇韜入散關在陝西鳳翔倍道而進蜀王承捷以鳳

中府鳳縣興今陝西漢中扶今陝西慶陽府寧州四州印節迎降崇

韜曰平蜀必矣蜀主命王宗弼守利州今四川保寧府廣元縣

李紹琛晝夜兼行趣利州繼岌至興州蜀諸城鎮

皆望風款附高季興常欲取三峽見二七卷畏蜀將

張武不敢進至是乘唐兵勢自將水軍上峽取施州

武以鐵鎖斷江路季興遣勇士乘舟所

斲也斲也之會風大起舟絙封於鎖不能進退季興輕

舟遁去崇韜遣王宗弼書為陳利害宗弼棄城歸

成都蜀都今四川成都府李紹琛進至綿州今成都府綿州蜀斷綿江

在漢州府漢州浮梁水深無舟楫紹琛與李嚴乘馬浮度江

從兵得濟者僅千人溺死者亦千人遂入鹿頭關在

都府德陽縣據漢州宗弼遣使勞軍且以蜀主書遺李

嚴曰公來吾即降嚴馳入成都蜀主遣兵部侍郎歐

陽彬奉降書以迎繼岌崇韜繼岌至成都李嚴引蜀

王出降大軍入成都崇韜禁侵掠市不改肆自出師

綱鑑易知錄

卷六十一

五代唐莊宗

十

後蜀孟知祥

至是凡七十日。高季興聞蜀亡。方食。失匕箸。曰。是老
夫之過也。梁震曰。不足憂也。唐主得蜀益驕。亡無日
矣。安知其不為吾福。綱十二月。閩見上卷王王審知
卒。子延翰立。綱唐以孟知祥為西川見上節度使。綱閩
月。唐遣宦者馬彥珪使蜀軍。目郭崇韜素疾宦者。宦
官皆切齒。時蜀中盜賊羣起。崇韜恐大軍既去。更為
後患。命任圜張筠分道招討。以是淹留未還。唐主遣
宦者向延嗣促之。崇韜不出迎。延嗣怒。李從襲曰。近
聞郭廷誨崇韜子白其父請表已為蜀帥。諸將皆郭氏

楚鑄鉛鐵錢

之黨。王寄身於虎狼之口。一朝有變。吾屬不知委骨
何地矣。延嗣歸。具以語劉后。后泣訴於唐主。請早救
繼岌。唐主復遣宦官馬彥珪馳詣成都。彥珪說稅劉
后自為教。與繼岌令殺崇韜。綱楚見上鑄鉛鐵錢。
綱丙戌後唐同光四年四月。明宗李嗣源天成元年。吳越寶正元年。是歲蜀亡。閩建國。凡四國。
鎮。春正月。唐魏王繼岌殺郭崇韜。目魏王繼岌將發
成都。馬彥珪至。以皇后教示繼岌。李從襲等相與巧
陳利害。繼岌從之。召從韜計事。從者李環搗職瓜反。擊也。
碎其首。并殺其子廷誨。廷信。綱二月。唐鄴都後唐初以魏州

討鄴兵劫
李嗣源

為興唐府建東京去年改亂趙進為指揮使縱兵大
為鄴都今直隸大名府趙進為指揮使縱兵大
掠遣李紹榮招諭之綱唐李紹榮攻鄴都不克唐
遣李嗣源將親軍討鄴都綱唐討鄴兵劫李嗣源入
鄴都目李嗣源至鄴都城西南下令詰且明且攻
城是夜從馬直軍士張破敗作亂帥眾大譟焚營嗣
源叱而問之對曰將士從主上十年百戰以得天下
今貝州見五四戍怒卒思歸主上不赦從馬數卒誼
競遽欲盡誅其眾我輩初無叛心但畏死耳今欲與
城中合勢請主上帝河南見上六令公稱嗣帝河北

即鄴都河北道治也嗣源涕泣諭之不從遂拔白刃擁嗣源及

李紹真等入城城中不受外兵逆擊之皆潰趙在
禮帥諸校迎拜嗣源泣謝曰將士輩負令公敢不惟
命是聽嗣源詭說在禮曰凡舉大事須藉兵力今外
兵流散無所歸我為公出收之在禮乃聽嗣源紹真
出城宿魏縣今大名散兵稍有至者

遂昌尹氏曰歐陽公脩作五代史於莊宗本紀
書李嗣源反自以為得春秋之法今綱目於嗣
源之事待之甚怒是時倡亂者張破敗既不書
其主名止書討鄴兵劫嗣源入鄴言兵則罪均
於衆而嗣源之責為輕言劫則非嗣源本意而
出於衆兵之所劫持又不以軍亂為文而繼書

綱目待嗣
源甚怒

詠心原情

綱唐李嗣源奔相州目李嗣源之為亂兵所逼也李

嗣源奔相州於下則見其棄眾獨奔之意皆所以推原本心以怨待之耳嗣源亦何以得此於綱目哉夫以莊宗失道寵信伶臣殺戮無辜軍民怨叛嗣源胡人目不知書非有篡國之心爭帝之意偶為亂兵所劫既越魏縣眾不滿百又欲束身詣闕復為李紹榮間絕追於逃死進退維谷既而眾軍歸之如蛾赴火然後入洛入汴之行始不可遏以理言之固可貴以不能死節之義若槩以反逆誅之彼亦有詞於我矣綱目誅亂臣討賊子凜乎不恕而乃書法如此是豈私於嗣源者哉春秋誅心之法推見至隱亦以嗣源本心甚明初無他意耳趙穿弑君而歸獄趙盾者誅其心也嗣源得國而綱目怨之者原其情也一輕一重之間而綱目之情見矣春秋之法明矣尚何疑哉註音趙盾見四於歐陽氏之說哉

安重誨諫李嗣源歸藩

紹榮有眾萬人營於城南嗣源遣人召之欲與共攻亂者紹榮疑不應及嗣源入鄴遂引兵去嗣源在魏縣眾不滿百李紹真所將鎮兵五千歸之由是兵稍振嗣源欲歸藩待罪中門使安重誨曰公為元帥不幸為凶人所劫李紹榮不戰而退歸朝必以公藉口公若歸藩則為據地邀君適足以實讒慝之口耳不若星行詣闕面見天子庶可自明嗣源曰善南趣相州今河南彰德府遇馬坊使康福得馬數千匹始能成軍綱唐李嗣源引兵向大梁目李紹榮退保衛州今河南衛

後晉高祖
石敬瑭

輝奏李嗣源已叛與賊合。嗣源遣使上章自理。一日
數輩皆為紹榮所遏不得通。嗣源由是疑懼。石敬瑭
曰夫事成於果決而敗於猶豫。見九卷安有上將與
叛卒入賊城而他日得保無恙乎。大梁。見上天下之
要會也。願假三百騎先往取之。公引大軍亟進。如此
始可自全。康義誠曰。主上無道。軍民怨望。公從眾則
生。守節必死。嗣源乃令安重誨移檄。吸會兵。李從珂
將所部兵趣鎮州。今真定府見上與虞候將王建立
合。倍道從嗣源。嗣源分三百騎使石敬瑭將之前驅。

俗人弑莊
宗

李從珂為殿。顛去聲軍勢大盛。李紹榮至洛陽。勸唐主
幸關東。招撫唐主從之。綱唐主如關東。李嗣源入大
梁。唐主乃還。目唐主發洛陽。知汴州。即大梁孔循遣使
迎唐主。亦遣使輸款於嗣源。曰先至者得之。嗣源入
大梁。唐主至萬勝鎮。質實云未詳處所聞嗣源已據大梁。諸
軍離叛。神色沮喪。登高歎曰。吾不濟矣。即命旋師。唐
主至石橋西。置酒悲涕。晚入洛城。綱夏四月。唐伶人
郭從謙弑其主存勖。李嗣源入洛陽。目四月朔。從馬
直指揮使郭從謙帥所部兵攻興教門。唐主方食。聞

變帥衛兵擊之。亂兵焚興教門，緣城而入。近臣宿將皆釋甲潛遁。俄而唐主為流矢所中，須臾遂殂。左右皆散，鷹坊人善友斂樂器覆屍而焚之。是日李嗣源至罍子谷。質實云未詳處所聞之，慟哭。謂諸將曰：「主上素得士心，正為羣小蔽惑致此。今吾將安歸乎？」乃入洛陽，止於私第，禁焚掠，拾莊宗骨於灰燼之中而殯之。是日豆盧革帥百官上牋勸進。勸勉進上帝號也嗣源不許。綱唐李嗣源監國，百官三牋請嗣源監國，嗣源乃許之。綱唐以安重誨為樞密使，張延朗為副使。唐張

居翰罷，以孔循為樞密使。唐魏王繼岌至長安，自

殺綱唐主嗣源立。書郭從謙弒其主，然後書嗣源

書嗣源立皆順辭也目有司議即位禮。李紹真、孔循

以為唐運已盡，宜自建國號。監國問左右：「何謂國號？」

對曰：「先帝賜姓於唐，為唐復讎，故稱唐。今梁朝之人，

不欲殿下稱唐耳。」監國曰：「吾年十三事獻祖，李國獻

祖以吾宗屬，視吾猶子。又事武皇，李克用先帝垂五十

年，經綸攻戰，未嘗不預。武皇之基業，則吾之基業也。

先帝之天下，則吾之天下也。安有同家而異國乎？」李

李嗣源不
改國號

嗣子極前
即位之禮

琪曰。若改國號。則先帝遂為路人。梓宮見二卷八安所託乎。不惟殿下不忘三世舊君。吾曹為人臣者。能自安乎。前代以旁支入繼多矣。宜用嗣子極前即位之禮。衆從之。監國服斬衰於極前即位。百官縞素。既而御衮冕受冊。百官吉服稱賀。

百官轉對

胡氏曰李琪之言是也。然國亡君弑。子不得立。而他人是保人。臣心不自安。尚有大於此者乎。

綱唐以鄭珏覺任園同平章事。**綱**唐初令百官轉對。初令百官正衙常朝外。五日一赴內殿起居。轉對奏事。**法**書五日一轉對。令**綱**唐以馮道趙鳳為端明殿

王延翰稱
閩王
盧文進歸
唐

學士。目唐主。目不知書。四方奏事。皆令安重誨讀之。重誨亦不能盡通。乃奏諸選文學之臣。與之共事。以備應對。乃置端明殿學士。以道鳳為之。**綱**秋七月。契丹阿保機見上卷二四死。**綱**九月。契丹德光立。目契丹述律后見同上愛中仲子德光長子名突欲。故立之。**綱**冬十月。王延翰自稱閩王。**綱**契丹盧龍節度見上使盧文進奔唐。目文進見上卷二五為契丹守平州即永平府。唐主遣人說之。以易代之後。無復嫌怨。文進所部皆華人。思歸。乃帥其衆十萬歸唐。**綱**十二月。閩王延稟審知弒其

君延翰而立其弟延鈞。

明宗皇帝胡人名邈，信烈為李克用養子，更名嗣源。莊宗被弒，百官立為帝，在位八年，壽六十七歲。

而殂

綱丁亥後唐天成二年。吳乾貞元年。是歲後唐漢吳閩凡四國吳越荆南湖南凡三鎮。春

二名不連稱者勿避

正月唐主更名亶。初唐主詔朕二名不連稱者勿避。至是乃改名。綱唐以馮道崔協同平章事。且安重

誨以孔循知朝士行能多聽其言。時議置相循已薦

鄭珣又薦崔協而任圜欲用李琪。珣素惡琪故循力

沮之。謂重誨曰李琪非無文學但不廉耳。他日議於

崔協識字甚少

唐主前。圜曰重誨未悉朝中人物為人所賣。協雖名家識字甚少。臣既以不學忝相位奈何更益以協為天下笑乎。唐主曰宰相重任卿輩審之。吾在河東

馮道與物無競

一時見馮書記見上卷多才博學與物無競此可相矣。既退循不揖拂衣去。因稱疾不朝者數日。重誨謂

圜曰今方乏人協且備員可乎。圜曰明公捨李琪而

相崔協是猶棄蘇合之丸取蛭乞蛭之轉也。蘇合出西域大

秦國合會諸香煎其汁名曰蘇合本草蘇合香味甘溫無毒。主治辟惡殺鬼精物溫瘧蟲毒癩瘡去三蟲。蛭

蛭黑甲蟲一名蛭。蛭一名弄丸能以土音。瘧音閉。瘡音

包糞轉成丸。莊子以蛭蛭而笑蘇合。註音。瘧音閉。瘡音

棄蘇合而取蛭蛭

悟主聽言
交美

良循與重誨日短琪而譽協竟以道協同平章事綱
唐主以其子從厚為河南尹判六軍諸衛事綱二月
唐主以壻石敬瑭尚水寧公主為六軍諸衛副使綱唐郭
從謙伏誅夷其族綱夏五月唐任圜罷綱唐以馬殷
見上為楚國主目殷始建國立宮殿置百官以姚彥
五章許德勳為丞相綱冬十月吳丞相徐溫卒唐以
石敬瑭為侍衛親軍都指揮使綱十一月吳王楊溥
見上稱帝綱十二月唐以周玄豹為光祿卿致仕趙鳳於是可謂善悟主矣明宗於是可謂能聽言矣書交美之目初晉陽見上相者

趙鳳快論

有年

收麩稅

南平高從誨嗣

周玄豹嘗言唐主貴不可言唐主欲名詣闕趙鳳曰
玄豹言已驗矣無所復詢若置之京師則輕躁狂險
之人必輻湊其門爭問吉凶自古術士妄言致人族
滅者多矣非所以靖國家也乃就除光祿卿致仕厚
賜金帛而已綱有年

綱戊子後唐天成年。漢大有元年。是歲凡四國三鎮。春三月唐以孔循

為東都即洛陽留守王建立同平章事綱秋七月唐收

麩麩字本稅綱八月唐以王延鈞為閩王綱冬十二月

荆南見上節度使高季興卒目吳立其子從誨代之

再書有年

馮道因事
納諫

綱 已丑 唐天成四年。吳太和元年。是歲四國二鎮。 春三月。楚王殷以其子希聲知政事。總諸軍。夏四月。唐以趙鳳同平章事。秋七月。唐以高從誨為荆南節度使。綱 有年。目唐主與馮道從容語及年穀屢登。四方無事。道曰。臣昔在先皇幕府。見上奉使中山。今直隸真定府。定州。歷井陘。刑平路。放轡自逸。俄至顛隕。凡為天下者。亦猶是也。唐主深以為然。又問道。今歲雖豐。百姓贍足否。道曰。農家歲凶則死於流殍。歲豐則傷於穀賤。豐凶皆病者。

馬道誦
夷中詩

惟農家為然。臣記進士聶夷中詩云。二月賣新絲。五月糶新穀。醫得眼前瘡。剜却心頭肉。語雖鄙俚。曲盡田家之情狀。農於四民之中。最為勤苦。人主不可不知也。唐主悅。命左右錄其詩。常諷誦之。綱 冬十月。吳加徐知誥兼中書令。綱 庚寅 唐長興元年。是歲凡四國三鎮。 春三月。唐立淑妃曹氏為后。綱 秋八月。唐以張延朗為三司使。綱 唐立子從榮為秦王。從厚為宋王。九月。唐以范延光為樞密使。綱 冬十一月。楚武穆王馬殷卒。子希聲嗣。

雞臠

目殷遺命諸子兄弟相繼及卒希聲襲位去建國之制希聲居喪無戚容葬殷之日頓食雞臠臠楚辭菜日羹無菜日臠顏師古日羹之與臠但烹煮異齊調和不同非關有菜無菜也齊音濟平聲醬屬也數盤其臣潘起譏之曰昔阮籍見二九居喪食蒸豚何代無賢

綱辛卯唐長興二年是歲凡四國三鎮春二月唐以安重誨為護

國節度治山西平陽府蒲州使綱吳以宋齊丘為右僕射致仕

目吳徐知誥欲以宋齊丘見上卷為相齊丘自以資

望素淺欲以退讓為高謁歸謁告歸休猶言請假洪州今江西南昌府

解縱五坊鷹隼

吳徐知誥鎮金陵

葬父因入九華山在江南池州府應天寺啓求隱居吳王下

詔徵之不至知誥遣其子景通入山敦諭齊丘始還

除右僕射致仕綱唐以李愚同平章事綱夏四月唐

殺其太子太師致仕安重誨綱秋九月唐敕解縱五

坊見五五鷹隼屬急疾之鳥也目敕解縱鷹隼內外

無得更進馮道曰陛下可謂仁及鳥獸唐主曰不然

朕昔嘗從武皇李克用獵時秋稼方熟有獸逸入田中

遣騎取之比得獸餘稼無幾以是思之獵有損無益

故不為耳綱冬十一月吳以其中書令徐知誥鎮金

綱監易印錄 卷六一 五代唐明宗 二十

陵徐景通為司徒輔政。目知誥表請歸老金陵。見上卷十

六以知誥為鎮海鎮江府寧國今江南寧國府節度使。鎮金

陵。總錄朝政。以其子景通為司徒同平章事。知中外

左右諸軍事。留江都吳都今江南揚州府輔政。以王令謀宋齊

丘為左右僕射。夜並同平章事。兼內樞使。使以佐景

通知誥作禮賢院於府舍。聚圖書。延士大夫與孫晟

陳覺議時事。

綱壬辰唐長興三年。是春二月。唐初刻九經版。印

徐知誥作禮賢院
刻九經版
印賣

賣之。法書之易自此始。故特書初

致堂胡氏曰。有天下國家。必以經術示教化。不
意五季之君。夷狄之人。而不知所先務。可不謂賢
乎。雖然。命國子監以大本行。所以一文義。去外
訛。使人下迷於所習善矣。頌之可也。齋之非也。
或曰。天下學者甚眾。安得人人而頌之。曰。以
監本為正。俾郡邑皆傳刊焉。何患於不給哉。

綱三月。吳越武肅王錢鏐卒。子元瓘貫嗣。目鏐寢疾。

謂將吏曰。吾疾必不起。諸兒皆愚懦。誰可為帥者。衆

泣曰。兩鎮令公也。傳瓘仁孝有功。孰不愛戴。鏐乃悉出

印鑰授傳瓘曰。將吏推爾宜善守之。又曰。子孫善事

中國。勿以易姓廢事大之禮。卒年八十一。傳瓘更名

元瓘。綱秋七月。唐武安節度治湖廣長沙府楚都也使馬希聲

錢鏐屬元瓘

後漢高祖
劉知遠

後蜀

徐知誥欲
王金陵

光趙延壽皆曰。今帥臣可往者獨石敬瑭。康義誠耳。
樞密直學士李崧嵩以為非石太尉不可。遂以敬瑭
鎮河東。敬瑭至晉陽。以部將劉知遠周瓌規為都押
衙。委以心腹。軍事委知遠。帑備藏委瓌。

綱 癸巳

唐長興四年。閩主王延鈞龍
啓元年。是歲凡四國三鎮。

春正月。閩王

王延鈞稱帝。更名璘。唐以孟知祥為蜀王。三月。

唐立子從珂為潞王。從益為許王。綱 吳徐知誥營宮

城於金陵。

書營宮城。吳將遷也。斥徐知誥何
法誅意也。知誥欲王金陵決矣。

綱 宋齊

丘勸知誥徙吳主都金陵。知誥乃營宮城於金陵。綱

每夕焚香
祝天

天人交感
之理不可
誣

秋七月。唐以錢元瓘為吳王。冬十一月。唐主疾病。
秦王從榮作亂。伏誅。綱 唐主亶殂。目明宗性不猜忌。
與物無競。登極之年。已踰六十。每夕於宮中焚香祝
天曰。某胡人。因亂為衆所推。願天早生聖人。為生民
主。在位年穀屢豐。兵革罕用。較於五代。粗為小康。

致堂胡氏曰。明宗美善頗多。過舉亦不至甚。求
於漢唐之間。蓋亦賢主也。其尤足稱者。內無聲
色。外無遊畋。不任宦官。廢內藏庫。賞廉吏。治賊
蠹。若輔相得賢。則其過舉當又損矣。其焚香祝
天之言。發於誠心。天既厭亂。遂生聖人。
用是觀之。天人交感之理。不可誣矣。

綱 十二月。唐主從厚立。目唐主自終易月之制。凡三

日也漢文帝遺詔 即名學士讀貞觀唐太宗 政要太

短喪以日易月 宗實錄有致治之志然不知其要寬柔少斷李愚私

謂同列曰位高責重事亦堪憂孟知祥聞明宗殂亦

謂僚佐曰宋王幼弱為政者皆胥吏小人其亂可坐

而俟也

閔帝名從厚明宗第三子在位四月為李從珂所弒

綱甲午唐閔帝從厚應順元年四月以後唐主從珂清泰元年蜀主孟知祥明德元年是歲

蜀建國凡五國三鎮 春正月唐以高從誨為南平見上王馬希

範為楚王錢元瓘為吳越王 綱蜀主孟知祥稱帝趙

李從珂與兵鳳翔

季良為司 綱唐以潞王從珂為河東見上節度使石敬

塘為成德見上節度使從珂舉兵鳳翔見上唐遣兵

討之官軍降潰會羽林指揮使楊思權等降統軍西都留守王思同等六節度使皆遁

去 綱唐潞王從珂至長安唐主以康義誠為招討使

將兵拒之殺馬軍指揮使朱洪實 綱從珂至長安唐

都今陝西西安府長安縣副留守劉遂雍迎謁都監王景從等奔

還中外大駭唐主不知所為欲自迎潞王以大位讓

之樞密使朱弘昭馮贇賓大懼唐主遣使召石敬瑭

欲合將兵拒之康義誠欲悉以宿衛兵迎降為已功

固請自行。唐主乃召將士慰諭。空府庫以勞去之。馬軍都指揮使朱洪實請以禁軍固守洛陽。曰：如此，彼亦未敢徑前。然後徐圖進取，可以萬全。義誠怒曰：洪實欲反邪？洪實曰：公自欲反，乃謂誰反？其聲漸厲。唐主聞，召而訊之，竟不能辯。遂斬洪實。軍士益憤。綱唐潞王從珂至陝。今河南河南府陝州諸將及康義誠皆降。綱唐主出奔夏。四月，石敬瑭入朝，遇於衛州，殺其從騎。目初，唐主密與慕容遷謀使帥部兵守玄武門。及是以五十騎出門，謂曰：朕且幸魏州。見上徐圖興復。馮道

事當務實

擢髮不足數罪

入朝。及端門，聞變，乃歸至天宮寺。名百官。中書舍人盧導至。馮道曰：勸進。見上文書宜速具草。導曰：潞王入朝，百官班迎可也。設有廢立，當俟太后教令，豈可遽議勸進乎？道曰：事當務實。導曰：安有天子在外，人臣遽以大位勸人者邪？李愚曰：舍人之言是也。吾輩之罪擢髮不足數矣。從珂自陝而東。四月，唐主至衛州。見上東數里，遇石敬瑭，大喜。問以大計。敬瑭聞康義誠叛去，俯首長歎數四。敬瑭牙內指揮使劉知遠引兵入，盡殺唐主左右及從騎，獨置唐主而去。敬瑭

遂趣洛陽

遂昌尹氏曰書唐主出奔而不言其所往則是逃竄奔逸茫無所之也石敬瑭國之懿親據大鎮擁強兵聞難入朝幸而相遇正當協力扶持庶幾或有可濟之理既不能然乃反殺其從騎是猶奪餓者之食而引繩以絕之耳直書於冊然則非特從珂反敬瑭亦反矣悖亂一至於此可勝歎哉

綱唐潞王從珂入洛陽廢其主從厚為鄂王而自立
目從珂至蔣橋百官班迎馮道等皆上牋勸進從珂入謁太后太妃詣西宮伏梓宮見上慟哭自陳詣門之由明日太后下令廢少帝為鄂見五九王以潞王

宋令詢以大義自裁

知軍國事又明日太后令潞王宜即帝位乃即位於
柩前綱唐主從珂弒鄂王從厚于衛州磁州刺史宋
令詢死之書予義也令詢之死非有不得已者直以書大義自裁而已如此而死從容甚矣
故特書目衛州刺史王弘贄遷閔帝於州廡介也
唐主從珂遣弘贄之子巒往酖見二十一之閔帝不飲
巒意殺之閔帝之在衛州也惟磁州今河南彰德府磁州刺
史宋令詢遣使問起居聞其遇害慟哭半日自經也
死綱唐康義誠伏誅夷其族五月唐以韓昭胤為
樞密使劉延朗為副史綱唐復以石敬瑭為河東見上

琉璃瓶挾相

節度使。綱唐以馮道為匡國節度治陝西西安府同州使。范延光為樞密使。綱秋七月。唐以盧文紀姚顛以同平章事。目唐主欲命相。問所親信。皆以尚書左丞姚顛太常卿盧文紀。秘書監崔居儉對。論其才行。互有優劣。唐主不能決。乃寘其名於琉璃瓶。夜焚香祝天。以箸挾之。得二人。乃有是命。綱蜀主知祥殂。子相唱立。綱八月。唐詔蠲逋。布平租。二百三十八萬。綱冬十一月。吳徐知誥召其子景通還金陵。見上。聞景遷江都。見同輔政。

廢帝

名從珂。明宗養子。本姓王氏。封潞王。廢閣帝。而自立。在位二年。石敬瑭以兵入洛陽。遂自焚死。壽四十五歲。

綱乙未

唐清泰二年。吳天祥元年。閩冬十月。閩

李倣弒其主璘。而立福王繼鵬。更名昶。綱荆南梁震

荆南梁震退居土洲

退居土洲

書書退居何未。臣也。震成高氏之業。而不肯為之。臣可謂高矣。綱日不書致仕。書退居所以成其高也。終目荆南節度使高從誨。見上

又二性明達。親禮賢士。委任梁震。見上。卷十以兄事

之。楚王希範。見上。好奢靡。遊談者共誇其盛。從誨謂

僚佐曰。如馬王可謂大丈夫矣。孫光憲對曰。天子諸

披鶴警
跨黃牛

侯禮有等差。彼乳臭子。驕侈僭法。取快一時。不為遠慮。危亡無日。又足慕乎。從誨悟曰。公言是也。他日謂梁震曰。吾自念平生奉養。固已過矣。乃捐去玩好。去聲以經史自娛。魚省刑薄賦。境內以安。震曰。先王待我如布衣交。以嗣王屬。祝我。今嗣王能自立。不墜其業。吾老矣。不復事人矣。遂固請退居。從誨不能留。乃為去聲之築室於土洲。震披鶴警。敞。警鶴羽也。作服以象之名曰鶴警。自稱荆臺隱士。每詣府。跨黃牛至聽事。從誨時過其家。自是悉以政事屬孫光憲。綱吳加徐知誥大元帥。

齊王備殊禮

見四一
卷二四

綱十二月。唐以馮道為司空。

時久無正拜三公者。朝議擬其職事。盧文紀欲令掌祭祀掃除。道聞之曰。司空掃除職也。吾何憚焉。既而文紀自知不可。乃止。

綱丙申

唐清泰三年十一月以後。晉高祖石敬瑭天福元年。閩主和通文元年。是歲唐亡。晉

典凡五
國三鎮

春正月。唐以呂琦為御史中丞。綱唐主以千

春節置酒。晉國長公主上壽畢。辭歸晉陽。

見同上二
六河東

唐主醉曰。何不且歸。遽歸。欲與石郎反邪。石敬瑭聞之。益懼。盡收其貨。之在洛陽。及諸道者。歸晉陽。託言

呂琦先見

以助軍費人皆知其有異志。端明殿學士李崧謂同僚呂琦曰：吾輩受恩深厚，豈得自同衆人。一槩觀望，邪計將安出？琦曰：河東若有異謀，必結契丹。見上爲援，若與契丹和親，彼必驩然承命。如此，則河東雖欲陸梁，猶強也無能爲矣。崧曰：此吾志也。二人密言其策。唐主大喜，久之，以告樞密直學士薛文遇。文遇對曰：以天子之尊，屈身夷狄，不亦辱乎？又虜若徇故事，求尚公主，何以拒之？唐主意遂變。一日，急召崧、琦，盛怒責之，自是羣臣不敢復言和親之策。遂以琦爲御史。

中丞蓋疎之也。綱夏五月，唐以石敬瑭爲天平節度使，敬瑭拒命。唐發兵討之。初，石敬瑭欲嘗試也唐主之意，累表自陳羸疾，乞解兵柄。移他鎮。唐主與執政議從其請，移鎮鄆州。今山東兗州府鄆城縣，隸天平軍。李崧、呂琦等皆力諫，以爲不可。五月，薛文遇獨直。唐主與之議。文遇曰：羣臣各爲身謀，安肯盡言。以臣觀之，河東移亦反，不移亦反。在旦暮耳。不若先事圖之。唐主曰：卿言殊豁吾意。卽命學士草制，徙敬瑭鎮天平。治兗州府東平州。制出，兩班相顧失色。敬瑭疑懼，謀於將佐曰：吾之

劉知遠諫
石敬瑭赴
鄆州

桑維翰請
石敬瑭結
契丹

再來河東也。主上面許終身不除代。今忽有是命。得非如千春節與公主所言乎。我安能束手死於道路。判官趙瑩勸敬瑭赴鄆州。劉知遠曰。明公久將兵。得士卒心。今據形勝之地。士馬精強。若稱兵傳檄。帝業可成。奈何以一紙制書。自投虎口乎。掌書記桑維翰曰。主上初即位。明公入朝。主上豈不知蛟龍不可縱之深淵邪。然則以河東復授公。此乃天意。假公以利器也。明宗遺愛在人。主上以庶孽代之。羣情不附。公明宗之愛婿。今主上以反逆見待。此非首謝可免。

但力為自全之計。契丹主

耶律德光

素與明宗約為兄弟。

公誠能推心屈節事之。朝呼夕至。何患不成。敬瑭意

遂決。表唐主養子。不應承祀。請傳位許王。

見上唐主

手裂其表抵地。制削奪敬瑭官爵。以張敬達為太原

今山西太原府

四面兵馬都部署。楊光遠為副先鋒

將兵討之。綱。秋七月。石敬瑭遣使求救於契丹。目敬

瑭令桑維翰草表。稱臣於契丹主。且請以父禮事之。

約事捷之日。割盧龍。見上一道及鴈門關。在太原府代州以

北諸州與之。劉知遠諫曰。稱臣可矣。以父事之太過。

厚以金帛賂之。自足致其兵。不必許以土田。恐異日大為中國之患。悔之無及。敬塘不從。表至契丹主大喜。復書許俟仲秋傾國赴援。綱八月唐張敬達攻晉陽。即太原府。不克。綱九月契丹德光將兵救石敬瑭。唐兵大敗。契丹圍之。唐主自將次懷州。次見七卷八契丹主將五萬騎至晉陽。陳於虎北口。與唐騎將高行周符彥卿合戰。敬瑭遣劉知遠出兵助之。張敬達楊光遠安審琦以步兵陳於城西北山下。契丹遣輕騎三千直犯其陳。唐兵逐之。至汾曲。汾水之曲。汾水見三九卷二七契丹伏

兵起衝唐兵。斷短而為二。縱兵乘之。唐兵大敗。敬達等收餘衆保晉安。契丹亦引兵歸虎北口。敬瑭出見契丹主。引兵會圍晉安寨。敬達等遣使告敗。唐主大懼。下詔親征。發洛陽遣符彥饒將兵赴潞州。今山西潞安府為大軍後援。唐主至河陽。今河南懷慶府孟縣心憚北行。盧文紀希旨言。國家根本在河南。河陽天下津要。車駕宜留此。鎮撫南北。且遣近臣往督戰。苟不能解圍。進亦未晚。張延朗曰。文紀言是也。唐主議近臣可使北行者。延朗與翰林學士和凝等皆曰。趙延壽父德鈞以

石郎使我
心膽墮地

石敬瑭割
十六州與
契丹

盧龍見兵來赴難宜遣延壽會之乃遣延壽將兵二
萬如潞州唐主至懷州即懷慶府以晉安為憂日夕酣飲
悲歌羣臣或勸其北行則曰卿勿言石郎使我心膽
墮地綱冬十一月契丹立石敬瑭為晉皇帝敬瑭割
幽今直隸順今順天府薊今順天府薊州等十六州以賂之綱契丹主
謂石敬瑭曰吾三千里來赴難必有成功觀汝器貌
識量真中原之主也吾欲立汝為天子敬瑭辭讓數
四將吏復勸進乃許之契丹主作策書命敬瑭為大
晉皇帝築壇即位割十六州幽薊瀛莫涿檀順新以

石敬瑭告
及無窮

與契丹仍許歲輸帛三十萬匹制改長興七年為天
福元年以趙瑩為翰林學士承旨桑維翰為翰林學
士權知樞密使事劉知遠為侍衛馬軍都指揮使客
將景延廣為步軍都指揮使立晉國長公主為皇后
致堂胡氏曰敬瑭之罪在不助閔帝苟以閔帝
失國則當尊奉許王不為衛州之事而歸奪國
弒君之惡於從珂兵以義舉名實皆正則其德
美矣乃急於近利稱臣契丹割棄土壤以父事
之其利不能以再世其害乃及於無窮故以功
利謀國而不本於禮義未有不旋中其禍者也
綱唐將楊光遠殺招討使張敬達降于契丹綱晉安
被圍數月芻糧俱竭援兵竟不至張敬達性剛時謂

張生鐵

張敬達死節

之張生鐵。楊光遠安審琦勸敬達降於契丹。敬達曰。吾受明宗及今上厚恩。為元帥而敗軍。其罪已大。況降敵乎。今援兵且暮至。且當俟之。必若力盡勢窮。諸君斬我出降。未為晚也。光遠曰。審琦欲斬敬達。審琦未忍。諸將且集。光遠斬敬達首。帥諸將降於契丹。契丹主嘉敬達之忠。命收葬而祭之。謂其下及晉諸將曰。汝曹為人臣。當效敬達也。綱。晉以趙瑩桑維翰同平章事。綱。契丹以晉主南下。破唐兵于團柏。趙德鈞在潞州之南唐主還河陽。趙德鈞降契丹。綱。晉主發潞州。

契丹北還。綱。晉主將發上黨。即潞州契丹主舉酒屬祖

之曰。我若南向。河南之人必大驚駭。汝宜自引漢兵

南下。我令太相溫。契丹將名將五千騎衛送汝至河梁。即河

橋見三卷三餘且畱此。俟汝音聞。有急則下山救汝。若洛

陽既定。吾即北返矣。因泣別曰。世世子孫勿相忘。又

曰。劉知遠。趙瑩。桑維翰。皆創業功臣。無大故。勿棄也。

綱。唐主還洛陽。晉主至河陽。節度使萇。長從簡迎

降。綱。唐主從珂自焚死。晉主入洛陽。綱。唐主議復向

河陽。將校皆已飛狀迎晉主。唐主與曹太后。劉皇后。

周瓌辭三
司使
盧文進三
奔

雍王重美及宋審虔等攜傳國寶登玄武樓自焚是
日晚晉主入洛陽。綱十二月晉追廢唐主從珂為庶
人以馮道同平章事。綱晉以周瓌為三司使不拜。目
瓌辭曰臣自知才不稱職寧以避事見棄猶勝冒寵
獲辜許之。綱唐安遠節度使盧文進奔吳。目文進上見
十聞晉主為契丹所立棄鎮奔吳。所過鎮戍名其主
將告之故皆拜辭而退。

右後唐四主共十三年
尺水堂綱鑑易知錄卷六一

早稲田大学図書館

011688996521